



## Тағдыр таңбалары

**Қызықты қараңыз... Ежелгі танысым санайтын онымен ең алғаш  
қашан, қайда, қалай кездескенім есімде жоқ.**

Танданғаным да, аңырғаным да рас. Жады қоңырауын қанша дабылдат-  
қанымен ойыма ештеңе оралар емес. Мұндай да болады екен-ау. Қуаныш-  
тысы сол, мен оның шығармашылық әлеміне әбден қанықпын. Елгезек те,  
ұшқыр қаламнан туған Толымбек дүниелерінің дені көз алдында жарқырап,  
көніл сарайында жаңғырып тұр. Кезінде олардың кейбірі хакында ой-пікір  
айтып, жүрек лебізін білдіргеніміз бар. Ал сәтті тұстағы сыр өзегін  
тырнақалды туындылардан там-тұмдап тартқанды қолай көрдім. Өйткені, әр  
нәрсенің, әр әрекет-талаптың бастауымен қайнары болса керек.  
Сонымен... Толымбектің тағдырлы өмір жолы шырғалаң да, елең еткізерлік.  
Алаңсыз балдәурен балалық шағы өз қатар-құрдастарына қараганда  
өзгешелеу өткен ол тірліктің ашы-тұщы дәмін ертерек татып өсті. Отбасылық  
тауқыметті көрмесе де қаршадайынан айнала-төңірегіндегі құбылыстарға  
сергек көнілмен үңілуге құштар бала-жүрек тым әсершіл де, тым арманшыл  
еді. Сондықтан да өрімтал жеткіншек ерте есейді. Кішкентайынан ширақ, аса  
алғыр боп бой түзеген ол еңбекке де ерте араласыпты.  
Онжылдықты бітірер-бітірместен үлкендердің сапында қой бағып, дала  
сырын тереңірек ұғуға ұмтылады. Ұйықтауды білмейтін алау жүрек қағілез  
бозбалаға өзгелер секілді алыс шаһарларға оқу іздел сапар шегуге емес,  
іргедегі ел ішінде еңбек етуге жетелейді. Алғашқы жылы өзі туып-өскен  
Аягөз ауданындағы Б.Майлин селолық кеңесінің хатшысы болып істейді.  
Тәжірибе жинақтай бастаған талапкер өнерпаз көп ұзамай Шұбартау  
аудандық «Жана Өмір» газетіне әдеби қызметкерлікке қабылданады. Киелі  
сөз өнерінің тылсым тұнғиығына білек сыбана сұңгіген Толымбек  
бұрқыратып жаза бастайды. Мектеп қабырғасында музыкамен әуестеніп,  
ауыл сахнасында ән айтып, талғамы биік жүрт алдында көрінген болашақ  
қаламгердің есімін көвшілік ендігі жерде баспасөз беттерінен кездестіргендे  
қатты қуанған... – Бірақ... – Сәл бөгеліңкіреп, үн-тұнсіз ойға шомған  
Толымбек бауырым жүріп өткен сүрлеу-сокпақтарын жанарына елестетіп,  
ұзак жолдың бел-белестерін бірер ауыз сөзбен түйіп-түйіп жеткізген...  
– Жүргім қалаған кәсібімнің сонына түсіп, ала қағазға тесіліп бас ұрудың  
реті болмады. Кеңестік қатаң жүйенің тәртібі бойынша әскери міндеттімді  
орындауға аттандым. Қаламымды қаруға алмастырып, солдаттың қым-қиғаш  
тірлігіне бейімделуге тұра келді. Қазіргідей өз атамекенінде, жылға толар-  
толмас мерзім емес. Ресейдің Чита аймағында екі жыл әскери қызметімді  
өткердім. Үлкен өмір мектебінің бірін абыраймен атқаруға тырыстық қой.  
Армия енжарлықты, бозөкпелік пен шолжынды көтермейді. Ыстық ұядан  
алған тәлім-тәрбием бар қындықтан алып шыққандай. Ең бастысы, қанға  
сіңген намыс-жігердің арқасында шындалу тезінен өтіп, талай тағдырлармен  
қоян-қолтық күн кештік. Өмір көрдім, адамдарды таныдым. Әу баста жете  
зер салмаған секілдімін, әйтпесе болашақ қалам иесіне қажет олжаның өзі –

осы өмірденжиған-тергеніңемес пе?! Әскерден оралысымен Аягөзде теміржолда жұмыс істедім. Сөйтіп жүріп көкейіме түйген дүниелерімді қағаз бетіне түсіруден еш жалыққан емеспін. Олардың бәрін бірдей газет-журналдарға ұсынбай, көнілімнен табылған озықтарын ғана аудандық, республикалық редакцияларға жолдадым. Қалам сілтесімді тап басып байқаған аудандық «Алға» газетінде істеген сүйікті қаламгер ағамыз Ерғазы Рахимовтың шарапатын көп көрдім. Жазу-сызудың ұнғыл-шұнғылын еркін менгерудің өзіндік құпияларын үйретудегі үлгі-өнегесі ұшан-теңіз. Айтпақшы, қазақтың атақты жазушы-суреткери Оралхан Бекеймен тұңғыш таныстырған да Ерғазы көкем болатын. Откен жылдардың өштес елестері әрдайым мерейімді марқайтып, қаламыма қуат береді-ай. Өкініштісі, әдеби ортаға, Алматыға өте кеш, отыз жасымда келдім. Алғашқы кітабым «Еркешора» тұра қырық жасымда жарық көріпті... Сол кездегі рухани астана Толымбекке құшағын айқара аша салмағаны анық сезіледі. Көп қазақ жастарының майдайынан шерткен келеңсіз құқайға тап болып, қалаға тіркеле алмады. Амалсыз құрылышты қалағын қолға ұстады, кейінірек іргедегі Талғар аудандық, Алматы облыстық газеттерінде тер текті. Талай соқпактардан өткен ол еш мойымады. Ынтыға ден қойған, жан-тәнімен құлаған жазуын тастамады. Өстіп екіұдай боп жүргенде қазақтың талантты сатиригі, «Балдырған» журналында жауапты хатшы боп істейтін жан досы Бейсебай Кірісбаев балаларға арнап әнгіме жазып беруді тапсырады. Тамаша ұсыныс жігер беріп бір беттік «Боранды күнде» атты алақандай әнгіме дүниеге келеді. Іле-шала «Кіндік шеше» әнгімесі журналға шығады. Жақсы адамның шапағаты шығар, Толымбек әдебиеттегі таза өз сүрлеуін осылайша табады. Әдетінше жайрандай сыр тиегін ағытқан өкшемізден ерген қаламдас әріптесім біраз жайдан хабардар еткен. Мінезге бай жазушы інімнің жұмсақ үні де сан құбылып, әр кезеңнің жанында сақталған ұзік-ұзік көріністерін қаз-қалпында әсерлеп, барынша шешен баяндайды. Ұққаным да, анғарғаным да мол. Ұшқан ұясы мен өскен ортасы Толымбектің шығармашылық адамы болып қалыптасуына зор ықпал жасағаны даусыз. Эке-шешесі көзі қарақты, көкірегі ояу, сөз қадірін аса биік қастерлейтін ғазиз жүректі ғибратты жандар көрінеді. Сегіз баланың атасы атанған Ыбырайымұлы Сылдыrbай ақсақал қанды соғысты белден кешкен майдангер. Арғы-бергі тарихты, әдебиетті, қазақтың әдет-ғұрпы мен салт-дәстүрін жетік білетін. Есте жоқ замандағы есқі әнгімелерді майын тамызып шертумен бірге, небір батырлар жырлары мен хисса-дастандарды, халық ауыз әдебиетінің таңдаулы үлгілері мен қазақ ертегілерін кішкентай бұлдіршіндеріне кезек-кезек оқытып, тындаудан еш жалыққан емес. Әр алашқа тән қазаки қалыпты темірқазық санаған қүй-мақұлак жас жеткіншек Толымбектің ой-өрісін, таным-білігін байытып, рухани көкжиегін кеңейтуге септігін тигізгені сөзсіз. Шырақты отбасының шамын жарқыратқан анасы Сарқыт Нұрқожақызы да айрықша дегдар, ақынжанды екен. Ауыз екі сөздің өзін көркем, кестелеп әдемі жеткізетін шешесі орайлы тұста, көнілдене шабыттанып, толқыған сэттерінде өлең жолдарын табанда төгілдіре жөнелетін қасиетке ие. Қос бәйтерек балаларын еңбексүйгіштікке, адалдыққа, шыншылдыққа, өнерлі боп өсуге баулып,

олардың бойына ұлттық нәрді молынан сіңіруді мақсат еткен аяулы да, асыл жандар екенін бұл күнде мен Толымбек бауырымның қаламынан туған әңгіме-хикаяттардан оқып, ерекше әсерге бөленемін. Қатты толғанып, тебіренемін. Оның да сиқырлы себебі бар. Жазушы жүргегінен сүзіліп, қайнап-пісіп шыққан әр сөздің салмағы, әр эпизодтың әсері, әр оқиғаның өз тылсымы болса керек. Өйткені, ол – тағдыр таңбалары. Оны бар жандуниеңмен сезіну үшін көкірек көзіңің мейлінше қырағы, ал ой-қиялышың ұшқыр болғаны жөн. Қайталап ескертемін, өмір-дерек ұшқындары осылайша тілқатады... Жыр дауылпазы Ғафу ақын шыырғандай: «Откенді тырнап-қырнап өшіре алмайсың, Адам ізі сүйкеп салатын әріп емес...» Үлкен әдебиеттің табалдырығын өлең, очерк жазумен аттаған жас талант жарқырап көрінді. Қазіргідей сапырып шығудың өзіне уақыт таппайтын қисапсыз газет-журналдар нөпіріндей емес, республикалық басылымдардың ұзын саны онға жетер-жетпес. Кімдердің не жазып, не қойып жүргені оқырманның көз алдында. Тіпті, қалам сүйтпай көрінген үлкен-кішінің қай өнірде тұрып жатқанына дейін білетінбіз. Мінеки, сондай «Ақ мылтық» жазғыштардың бірі – аягөздік дарын Толымбек Әбдірайым. Оның есімін «Қазақстан пионері» («Ұлан»), «Лениншіл жас» («Жас Алаш»), «Қазақ әдебиеті», «Ақ желкен», «Балдырған» тәрізді аса беделді газет-журналдардың беттерінен жиі ұшырататынбыз. Кезінде сүйсініп оқыған түрлі суреттемелер мен очерктердің тоқырыптары көкейіме ұялап қалыпты. Есіме түскендерін жаңғыртқан дұрыс шығар. Олар – «Оның ұшқан ұясы», «Жиырма жас – сенің жасың жарқылдаған», «Пойыз өтіп барады», «Ай астындағы ән», «Құс ұйқылы Мұқаш», «Дала жауқазыны», «Бір ауылдың тұлектері» т.б. Шетінен сыңғырлап, күмбірлеп тұр. Осынау көркем очерктер үлкен прозаға апарар алғашқы із болғаны ақиқат. Ал ол баспалдақты қалайша жоққа шығармақпыз?! Мүмкін емес фантазия! ... Ақырын жүріп, анық басатын Толымбектің өмірлік берік ұстанымы – «бетегеден биік, жусаннан аласа» дейтін халықтық қағида. Аягөздің сұлу саясында, Ақтас тауының баурайында, атының өзі әйгілеп тұрған Отияр ауылында түлеп-ұшқан жазушы ініміздің тындырған еңбегі, зер салған адамның көңілін толтырарлық. Бұл күнде талғампаз оқырманның сүйікті қаламгеріне айналған Т.Әбдірайым шығармаларын цифртілімен дөңгелетіп, төмендегіше бейнелер едік. Ол 10 прозалық жинақтың, 117 әңгіменің, 25 ертегінің, 3 хикаяттың авторы. Бірнеше әңгімесі мектеп оқулықтарына енген. Әр туындының, әр кейіпкердің өз тағдыр-талайы бар. Ал сол тағдыр таңбалары төңірегінде алқалы пікірлерін ортаға салып, өз ойларын білдірген зиялыштар легі бір шоғыр. Қазақ сөз өнерінің бүгінгі көшбастаушылары Әбіш Кекілбайұлы мен Әкім Тарази секілді ағалар сапынан Серік Негимов, Нұрдәulet Ақыш, Балтабай Әділов, Дәuletбек Байтұрсынұлы, Асқар Алтай, Сұлтан Қалиев, Шанизада Әбдікәрімов, Жұма-Назар Сомжүрек, Тұрдыбек Мәмесейіт, Сара Латиева, Дәурен Қуаттарды көру қандай ғанибет. «Теңіздің дәмі – тамшыдан» демекші, көнеки төмендегі үш үзік лебізге үнілейікші. Ән тағдыры, композитордың творчестволық тағдыры хақындағы деректі әңгімелер жинағына жазған алғысөзде Халық жазушысы Әбіш Кекілбайұлы өз ойын

теренен толғайды: «...Тарихтың әр батырдың әр шайқасының жай-жапсарын бажайлай баяндағаны сияқты әр суреткердің әр туындысының да егжей-тегжейіне емірене үніле білгені лазым екен. Толымбек Әbdірайым әдебиетімізде дәл сондай мақсатпен тыңға түрөн салып, «Ағыл-тегіл» атты деректі әңгімелер кітабын тудырыпты. Бұл – бір өркен жаяр өнеге болса керек. Оның бүгінгі тыңдарман қауым тарапынан бірдей ризашылыққа ие болатынына көміл сенемін». Ал филология ғылымдарының докторы, белгілі әдебиеттанушы Нұрдәulet Ақыш жазушының өгей бала тағдырын сөз еткен повесіне ерекше тоқталады. «Кейіпкердің жан дүниесін аша отырып, оқиға дамыту ұстанымы – Толымбек Әbdірайымның «Алабұға аулаған күн» прозалық жинағына енген прозалық шығармалардың табиғатына тән. Осылардың ішіндегі көлемдірегі «Тұнжыр» хикаятында өгей баланың жан дүниесі суреттеледі. Өзі ішкіш, өзі ынжық әке ұлын кейінгі үйленген әйелінің тепкісінен қорғауға құлықсыз. Бұл шығарманың кейіпкери он екі жасар бала болғанымен, ересек оқырманды да енжар қалдырмайтын деңгейде. Өйткені, мұнда көтерілетін негізгі мәселе – ата-ананыңұрпақалдыңдағыпарзы. Жас оқырманға керегі оқиға болса, Т.Әbdірайымның әр әңгімесі сюжетті, қызықты штрихтармен оны қоюлатып отыруды да ұмытпайды» десе, Халықаралық «Алаш» әдеби сыйлығының лауреаты, Толымбек қаламынан шыққан әр туындыны жіті қадағалап оқитын, пікірлес-дос Асқар Алтай өз ойын шегелеп жеткізеді: «Балалар әдебиеті мүлде жоғалып кетті деген өтірік сөз. Әдебиеттен макұрым адамдардың сандырағы! Бұл қате түсінікті өзгерту керек-ақ. Тіпті, осы дүмбіlez ойды халықтың санаына сініруге күш салып жатқан журналистер де жетерлік. «Отыз тістен шыққан сөздің отыз рулы елге жайылатынын» естен шығармағанабзal. Мысалы, балалар әдебиетіне қомақты үлес қосып жүрген жазушылардың бірі де бірегейі – Толымбек Әbdірайым. Сиясы әлі кеппеген кітабында «Тұнжыр» деген хикаят бар. Ол кез келген баланың жан дүниесін тебірентер, керек десеніз, үлken адамдарға да ой саларлық дүние. Тілі қандай женіл. Қысқа да нұсқа әңгімелері бір тәбе. Сондықтан қолда бар жақсы туындыларға көз жұма қарамай, жанкешті жазушылардың еңбектерін жан-жақты талдап отырғанымыз жөн». Жүрекжарды тебіреністер бізді де қуант-қан...Демек қаламгер Толымбек Әbdірайым жазған үлкенді-кішілі шығармалар жұрт көзінен таса қалмай, қалың оқырман қолында, сарабдал сөз сардарларының назарында. Киелі мамандық иесіне бұдан артық бақыттың қажеті де жоқ.

## II.

Баянымыздың беташарында мегзегенімдей заманында Толымбектің қазақ балалар әдебиетіндегі өзіндік орны, дара қолтаңбасы тұрасында қалам тербегеніміз бар. Енді бір мезет соған көніл аударыңыз. Өткен ғасырдың жетпісінші-сексенінші жылдары ойға түскенде, жалындаған жастық шағымды, әдебиетке қатар келіп қалам тербеген менің тұстастарымды әркез сағынышпен еске аламын. Сол жылдарда балалар тақырыбына бармаған жазушылар некен-саяқ. Эйгілі бала жанының бағбандары Сапарғали Бегалин,

Мұзафар Әлімбаев, Бердібек Соқпақбаев секілді ағаларымызды айтпағанның өзінде, танымал жазушыларымыз Мұхтар Мағауин, Оралхан Бекей, Молдахмет Қаназов, Тынымбай Нұрмамбетов, Шәкен Күмісбаев, одан кейінгі толқын – Марат Қабанбаев, Жақау Дәуренбеков, Сайлаубай Жұбатыров, Мәди Айымбетов, Бекен Үбірайымов, Несіпбек Дәутайұлы, Тұрысбек Сәукетаев, Балтабай Әділов, Ғабиден Құлахметов, Нұргали Ораз, т.б. тізіліп буын-буынға жалғасып кете береді. Ол кезде балалар мен жасөспірімдер тақырыбын қомсынбай, барлық белгілі ақын-жазушылар белсене қатысадын. Шыны керек, сол кездегі дәстүрлі бәйгеге Баспа, полиграфия істері жөніндегі мемлекеттік комитет, Қазақстан Жазушылар одағы және «Жалын» баспасы ұйытқы болатын. Ал әділ де қатал конкурс талай таланттың есімін әйгілеп, қалам қарымын дүйім жүртқа танытты. Қазір ше? Ондай ынталандыру, ондай дүбірлі бәйге жоқтың қасы. Балалар мен жасөспірімдерге арналған «Балдырған», «Ұлан», «Ақ желкен» тәрізді төл басылымдар ғана өз үрдістерінен жаңылған емес. Балаларға арналған деп айдар тағылып, кейінгі жылдары жарық көре бастаған басқа басылымдардың әлеуметтік-көркемдік жүгі мен талап-талғамы көп кемшін. Әйткенмен балалар тақырыбына қалам тартып жүрген жазармандар жоқ деп аузымызды құрғақ шөппен сұртуге болмас. Біраз жыл әдебиет ай-дынынан алысталп кеткен талантты балалар ақыны Асқаржан Сәрсеков өзгеше екпінмен, тың серпіліспен өз ортасына оралды. Дара қолтаңбалары қалыптасып, айшықталған ақындар Әтепберген Ақылбеков, Нұрлан Қалқа, Әкім Үсқақтың шығармашылық әлемі жеке-жеке әңгімеледі қажет етеді. Кішкентайлардың өміріне дендеп ену, балғындардың жан-дуниесін сергек сезіну, олардың болмыс-бітіміне тереңірек үңілу әрдайым биік мұратқа бастаса керек. Ал балалар тақырыбын қаузап жүрген жазушыларға келсек, Шәкен Күмісбаев, Балтабай Әділов, Айса Хамзаұлы, Әлібек Файзулаев, Толымбек Әбдірайым, тараздық Нұрлан Есенов, шымкенттік Нұргали Қадырбаев, қызылордалық Жеткерген Әбдіреев, балауса қалам иелері Нұрлан Құмар мен Ағила Саурандардың жазған тұщымды әрі тартымды дүниелерін қызыға қадағалаймын. Осылардың арасынан сүйікті тақырыбынан айнымай, өнікті жазып жүрген жазушы Толымбек Әбдірайымның шығармашылығына арнайы тоқталғым келеді. Қанша қыын десек те, қылыш-қылыш баспалардан шығып жататын кітаптардың саны сиреп көрген емес. Бірақ... сол кітаптардың арасынан балаларға арналған дүниелердің үшіраратынымыз анық. Осы тұрғыдан келгенде қаламгер Толымбек Әбдірайымның өзім танысқан «Аққоянның үйшігі» жинағы елең еткізген еді. Әңгімелер мен ертегілер, мысалдар және повесть топтастырылған жинақтың көтеріп тұрған жүгі едәуір салмақты екенін қадап айтқан жөн. «–Айдын-жан! Қайдасың! Аптал ыстықтан сая табу үшін терезелері пердемен тұмшаланған қара көлеңке төргі бөлмеде таң атпастан теледидар тамашалап, қос құс жастықты жастанып, шәниіп шалқасынан жатқан тәмпіш танау сары бала үшінші мәрте аты аталғанда ғана –Мұндағын-н...–деді мұрны астынан естілер-естілмес мінгірлеп. – Әлима әжеңнің үйінен сүт әкеле қойшы... жүгіріп...». Осылайша басталған «Сұтсіз шай» әңгімесі кішкентай оқырманды бірден еліте,

қызықтырып, жетелей түседі. Ары карай не болады еken деп оқи түсесіз. Қолына үш литрлік пластмасса ыдыс ұстап, жалаң аяқ, жалаң бас көшеге шыққан Айдекен–Әлима әжейдің сотқар немересі, ұзынтура Рұstemмен ескі клуб ғимаратының алдында ұшырасады. Қай кезде де көздері ойнақшып жылт-жылт етіп жүретін, бұзакы Рұstem Айдынды кесекөлденен деп, жолын бөгеп қызық бір ойынға шақырады. Шешесінің тапсырмасын орындағын деп жанұшырып келе жатқан Айдын Рұstemнің әтеш төбелестіреміз деген тосын ойнына қызығып, оның сонынан еліре еріп жүре береді. Әтештер сайысын Айдын мен Рұstem ғана тамашалаған әуелде. Әне-міне дегенше екеуіне Нұрбол, Бейбіт, Төлегендер келіп қосылып, аядай ғана қора іші араның ұсындағы гүлдеп, ысқырған, айқайлаған дауыстар естіле бастайды. Атой салып, бет қаратпаған қарсыласын шетінен жайратып жүрген Рұstemнің «герой» әтеші бір кезде тырапай асып құлап түседі де, артынша сілейіп, жан тапсырады. Балалар тапырлай тұс-тұсқа тұра қашады. Айдын ғана ойланып, бөгеліңкіреп кідіреді. Бір нәрсе ұмытқан сияқты... Ә-ә, есіне түсті. Сүтке жіберген еді ғой анасы. Енді не істеймін деп Айдын қатты сасады. Рұstem болса айылын жияр емес. «Әлима әженің сиырын бұзауы еміп қойыпты, сүт жоқ деп айт апаңа» деп өтірікті қисындырып жібереді. Өзге амалы қалмаған Айдын еріксіз шешесіне досының әлгі «ақылын» айтады. Тұске тақау Айдынның анасы Әлима әжейдің үйіне келсе, шай ішіп отыр. Кәдімгі сүт қатқан қою күрең шай. Ептең сырғақтап сұрағанда, Айдынның сүт сұрап бұл үйге келмегені анықталады. Раушан тәтейдің өзі өтірік айтып отырғандай ыңғайсыздана қысылады. Міне, шағын болса да, айтары салмақты, шып-шымыр әңгіме. Сотанақ Рұstemнің сөзіне еріп, өтірік айтып, анасын ренжіткен Айдынның қылышына сіз де қынжыласыз. Өтіріктің орға жығатынын, олай істеуге болмайтынын пайымдар еді әркім-ақ. Кітаптың екінші бөліміндегі ересек балаларға арналған тартымды, айтары мол, тәрбиелік мәні өзгеше дүниелер қатарына «Оқсыз мылтық», «Қорадағы қазына», «Сол бір қыста...», «Бір тал ғұл» тәрізді әңгімелерді қосуға болады. Жалпы, мөлтек әңгімелер мен шағын мысалдар, ертегілер жазу екінің бірінің қолынан келмейтіні әймсақтан белгілі белгілі. Өйткені, кішкентайларды шымыр да, әп-әдемі, тартымды әңгімелермен ойға шомдыру қынның қыныны. «Сәбидің тілін түсінген жазушы, әлемнің құдыретін біледі» деген екен атақты балалар қаламгері Антуан де Сент-Экзюпери. Себебі, олар айналада болып жатқан құбылыстарға, жаңалықтарға, өзгерістерге үнемі сергек қарайды. Демек өзі көріп-білген, я болмаса естіген жайларды тұра қазқалпында қабылдауға әзір. Сондықтан да Толымбек өз шығармаларында баланың кір шалмаған пәк көнілін аулауды, сөйтіп оларды еріксіз ойлауға зер салады. Мәселен, «Қайыңның көз жасы» әңгімесінде көкке өрлеп жасыл жапырақтары жайқала өсіп тұрған бала қайыңның жалқы талын Өрен есімді алты жасар ұл сындырып алды. Бұл оқиғаны көрші Әбуталап қарт көріп отырған. Кешқұрым бала бұтағы сынған жас қайыңнан су тамшылап тұрғанын байқайды. Сол кезде өзіне таяп келген ақсақалдан бұның себебін сұрайды. «Су емес... Қайыңның көз жасы, – дейді кәрия. – Біреу бұтағын әдейілеп сындырған. Жаны жараганып, ауырып, жылап тұрған соған! Шөп

атаулының, ағаштың да жаны мен жүрөгі бар! Адамдардан аялы алақан, шуақты мейірім тілейді! Ал қатыгез жүрексіздердің жасайтындары осы...» Өреннің беті ду ете қалады. Истеген ісіне ұялады. «Енді сындырмаймын, ата!» деген сөздерді іштей қайталайды. Былайша сырт көзге еленбейтін шағын деталь! Ал ой жүгірткен, зерделеген жанға бұл мөлтек әңгімеде қаншама тағылым-тәрбиежатыр. «Мақтаншақ сары сағат» ертегісінде әдеттегідей көріністі суреттей отырып, көпшілігіміз елеп, байқай бермейтін сәтті бала жүрек жадына шеберлікпен ұяладады. Жаңадан ғана сатып әкелінген қоңыраулы сары сағат қабырғада бұдан он жыл бұрын осы үйдің қастерлі бұйымы ретінде төрге ілінген қоңыр сағатпен сөз қағыстырады. Күні кеше келгендігін арқа тұтып, кеуде соғып мақтанады. Ертеңін көз алдына елестете алмаған мақтаншақ сары сағат кешікпей шифоньердің үстінен құлап қалып мертігеді. Сол мезет қиналған ол мұнынқоңырсағатқашағады. «... – Қоңыр сағат-ау, қоңыр сағат. Маған көмегін керек сенің...». Сілікпем шықты әбден. Саматтың іstemегені жоқ. Бүкіл өн бойымда сау-тамтық жер қалмады. Қолаяғым, өкпе-бауыр, жүрекім... бәрі-бәрі ауырады... Белім-ай, ойбай-ай! Қарашы, сырқырап, қақсатып әкетіп бара жатқаны... Тұпкі тегіміз бір, туыс едік қой...

–Не қыл дейсің маған? – Мен диванның астында... түкпірде... қаранды қапаста жатырмын. Самат таңертең осылай қарай лақтырып жіберген. Содан тұра алмай... Тым құрығанда былайырақ... шығаршы жарық дүниеге... Оті-нем-м... -Күдай ушін-н... – Маған орнынан қозғалуға болмайды. Қозғалсам, тоқтап қаламын... Буынсыз жерге пышақ ұрма айналайын. Ренжіме!..

–Қоңыр сағат-т... бауырым-м... Жалына-мын-н са-ған-н... Қатыгез болмашы... Құтқаршы мынау қапастан... Жақсылығынды ұмытпаймын өле-өлгенше!.. Жағы сембей жалынып, даусы әбден қарлыққанша сарнай берді, сарнай берді сары сағат...». Осындай ұтқыр штрихты жазушы өзінің «Дәптер мен Әліппе» мысалына да ұтымды пайдалана біледі. Бірнеше жылдан бері жеткіншектердің білім нәрімен сусындауына септігін тигізіп жүрген Әліппені «сен ескіріп қалған кітапсың» деп дүкеннен енді келіп, қызыл сөмкеге жайғасқан сужаңа Дәптер біраз әжуалайды. Артынша жаңбыр астында қалған Дәптерді иесі «керек етпей» қоқысқа лақтыра салады. Мінеки, әңгімелер мен ертегілерге тиімді пайдаланылған осындай ұтқыр суреттер өзара қиуласып жатады. Басқа да ертегілер мен мысалдардың алтын арқауы, қызыл өзегі – жақсылыққа ұмтылған кішкентайларды ізгілікке, мейірімділікке, еңбеккорлыққа тәрбиелеп баулу. Сондай-ақ, кішкентайларды ұшқалақтықтан сақтандырып, жаман әдеттерден бойларын аулақ салуға үйретеді. Өмірдегі өзара сыйластық, татулық, адамгершілік, табиғат құбылыстарын жіті бақылауға, адамдардың адал достары саналатын үй жануарларының мінез-құлықтарын тамыршыдай танып-білуғе деген құштарлықтарын арттыруға септігін тигізетін «Хисмет ата», «Мөлдір бұлак», «Ақ жауын», «Балапан бакқан Батыр», «Елу теңге», «Кіндік шеше», «Тарқаған өкпе», «Қүрең бие», «Жақсылыққа – жақсылық», «Ине мен жіп», «Шөптің қателігі», «Тарғыл мысық», «Жалқаулыққа кім үйір?» т.б. тәрізді

алақандай әңгімелер мен ертегілердің қай-қайсысы да бейжай қалдырмайды, керісінше ілкі сәт ой тұңғиғына шомдырады. Ал, ойға шомдыраш шығармалар жазу – қаламгердің қабілет-қарымы мен өзіндік дара қолтаңбасын айқындаса керек. Жазушының «Дала әуені» повесі – он үш жасар Мейіrbектің үлкендермен бірге бір ай, үш жүз шақырым жол жүріп, облыс орталығындағы ет комбинатына екі отар қой айдал апарып қайтқан қыын-қыстау сапары жайында сыр өрбітеді. «...Тыныш тұн. Аспан төрінде жарқыраған жұлдыздар жусап жатыр. Дүние маужырап, бір мезет қалғып кеткендей. Тыныштық ұйып тұр. Тек иіріліп, алқа-қотан жатқан отардың ішінен кейбір койлардың пысқырып, түшкіргені ғанаетіледі. Аулақта байғыз шақырады. Мейіrbектің үстінде қалың күпәйке. Аяғында керзі етік. Басында малақай. Сақтық үшін қолына камшымен қоса сойыл ұстаған. Тұнгі қой күзетіне өзі сұранды. Әбілсейіт аға баласынып, көнбеп еді. Самат аға иліктірді-ау, ақыры. Тек жата-жатқанша: «Алда-жалда ит-құс білініп, отар үріккендей болса, бізге дереу хабарла. Сан соғып қалмайық! Сақ бол! Ұйқың келсе отырма! Ары-бері жүр! Қимыл жаса! Оған шыдамасаң, мені оят – деді тәптіштей қайта-қайта тапсырып...». Тау-тасты, қырат-белесті, адырлы жусанды дала, шөп бастарын болмашы тербеген майда самал жел, осының бәрі бала Мейіrbектің көзімен әдемі суреттеледі. Хикаятты оқып отырып, өзініз де сол... жусан иісі аңқыған ке-е-ң жасыл жазираны кезіп кеткін келеді, көкорай шалғынға аунағынқеледі... Ұзак жол, еңбек қындығы үстінде қасындағы ағаларының қылыш-қылыш мінезд-құлықтарын, іс-әрекеттерін көрген, одан өзінше ой түйген баланың есейе бастаған сезімтал санасы, айналасын жіті бағдарлауы ересектердің өзін қзықтырғандай. Бас-аяғы жұмыр, жүрек қылыш қозғар әсерлі туынды атақты Антон Чеховтың әйгілі «Дала» повесін еске оралтқандай күй кешесіз. Осы ретте оқиғаны шымыр әрі ширақ өрбітіп, өрімталдар есінде ұзак сақталатын шығармалардың еңсесін көтеріп тұрған жазушының шырайлы да шұрайлы тілінде ерекше айтқан ләзім. Әңгіме сорабында мегзегендей, жаны таңғы шықтай мөлдір, қауырсын қиялдары ұшқыр, әрі бояуы канық балалар әлеміне әр қырынан барлау жасау онай емес. Жазушыдан бұлдіршіндер табиғатын жетік білумен бірге, байқам-паз қырағылықты талап етеді. Ең бастысы, жеткіншектер жайында жазып отырғанда жұмбағы сан қабат айнала-төңірегіне бала көзімен қарап, балғындар тілімен сөйлеп, сәби сезіммен ой жүгіртуің тиіс. Балалар бейнесін мұсіндел, кескіндеуде, олардың іс-әрекеттерін нанымды әрі шынайы шығару үшін шығармада ұдайы жарыстыра суреттегетін табиғат көріністерін шебер қилюастыру – қай қаламгердің де айқын мақсаты. Осы үдеден көрінген жазушы Толымбектің ізденісі қуантады. Бел-белесті ұзак жолға тұскен ол көгілдір көкжиекті беттеп барады. Қадамы нық.